

*cepte Job. XII. 31. modis omnibus Christi fideles Ministros persequitur, & omnibus ignominie generibus mundi mercedem iis offerre deprehenditur. Paulus non uno tantum in loco Catalogos integros injuriarum mundanarum, sibi propriarum, in Epistolis suis producit, ex quibus modo saltem unum introducimus II. Cor. XI. 23. quod fuerit in laboribus plurimis, in plagis supra modum, in carceribus abundantius, in mortibus frequenter: quod à Judæis quinquies quadragenas una minus plagas acceperit: quod ter virgis cæsus sit, semel lapidatus, ter naufragium fecerit, nocte & die in profundo maris fuerit: in itineribus sæpe, periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus, in labore, & erumna, in vigiliis multis, in fame & siti, in jejuniis multis, in frigore & nuditate. Sed in his, & aliis, Apostolus semper exitit fortis Athletæ, magnaque πληροπορία & παρρησία fortiter usus est in omnibus his tentationibus, sicut scribit ejusdem Epist. c. IV. 8. In omnibus tribulationem patimur, sed non angustiamur, in difficultates conijcitur, sed non desperamus, persecutionem patimur, sed non derelinquimur, humiliamur, sed non confundimur, (hæc in latino, non in græco textu leguntur,) dejicimur, & non perimus, semper mortificationem Jesu in corpore nostro circumferentes, ut & vita Jesu manifestetur in corporibus nostris: semper enim nos, qui vivimus, in mortem tradimur propter Jesum, ut & vita Jesu manifestetur in carne nostra mortali. Sic enim fideles Ecclesiæ ministri sunt boni milites Jesu Christi II. Tim. II. 3. si mascule cuncta certamina subeunt, & in virtute Domini mala cuncta fortissime vincunt.*

3. *Multa denique sunt, & magna fidelium Ministrorum post militiam in cælo premia, vel brabea. Nec inter hæc postrema dicitur Victoriæ Ministerialis corona. Nemo vero coronatur, nisi legitime certaverit II. Tim. II. 5. Tribus autem in locis N. T. simulque tribus à distinctis Apostolis, Ecclesiæ Ministris fidelibus Victoriæ Corona tribuitur, & quidem (1) per Johannem Corona Vita, sicut scribitur Angelo, vel Episcopo Smyrnenfis Ecclesiæ, Apoc. II. 10. Et si fidelis usque ad mortem, & dabo tibi coronam Vitæ. (2) per Apostolum Pau-*

Pau-